

ფინანსების საფუძვლები
I, II კურსი(ბიზნესტექნოლოგიები, ეკონომიკა, აგრარული)(მერაბ ვანიშვილი) I,II სემესტრი. 2020-2021 წელი
(დასკვნითი გამოცდის ნიმუში)

Question 1

სახელმწიფო სპეციალური ფონდები არის მოსახლეობის კონკრეტული სოციალური ჯგუფების სასარგებლოდ:

Select one:

- a. ეროვნული სიმდიდრის სამეურნეო ბრუნვაში მოქცევის მეთოდი
- b. ეროვნული შემოსავლის (ან მშპ-ის) წარმოების მეთოდი
- c. ეროვნული შემოსავლის (ან მშპ-ის) გადანაწილების მეთოდი
- d. ეროვნული ეკონომიკის ზრდის სტიმულირების მეთოდი

Question 2

კომერციული ორგანიზაციის ფინანსური ურთიერთობების ერთობლიობა არ მოიცავს:

Select one:

- a. კომერციულ ორგანიზაციასა და სადაზღვევო კომპანიებს შორის ქონების, სხვადასხვა კატეგორიის მუშაკების, სამეწარმეო და კომერციული რისკის დაზღვევის პროცესში დამყარებულ ურთიერთობებს
- b. ურთიერთობებს კომერციულ ორგანიზაციასა და სახელმწიფოს საფინანსო სისტემას შორის, რომლებიც მყარდება გადასახადებისა და სხვა გადასახდელების გადახდისას ბიუჯეტში, არასაბიუჯეტო ფონდების ფორმირებისას, ბიუჯეტიდან ასიგნებების მიღებისას, საგადასახადო შეღავათების მიცემისას, საჯარიმო სანქციების გამოყენებისას
- c. კომერციულ ორგანიზაციასა და არაკომერციულ ორგანიზაციათა სისტემას შორის დამყარებული ურთიერთობები ბანკებში ფულის შენახვის, სესხის მიღებისა და დაფარვის, კრედიტის პროცენტის გადახდის, საბანკო მომსახურების პროცესში
- d. ურთიერთობებს კომერციულ ორგანიზაციასა და მის ცალკეულ მუშაკებს შორის, რომლებიც მყარდება შემოსავლების განაწილებისა და გამოყენების, ობლიგაციების, აქციების გამოშვებისა და განთავსების, აქციების დივიდენდებისა და ობლიგაციების პროცენტების გადახდისას

Question 3

საქართველოში კომერციული ბანკის ფუნქციონირების დასაწყებად საჭიროა:

Select one:

- a. საკუთარი კაპიტალი და მოზიდული სახსრები
- b. მინიმალური საწესდებო კაპიტალი და საქართველოს ეროვნული ბანკის ლიცენზია
- c. მინიმალური საწესდებო კაპიტალი
- d. საქართველოს ეროვნული ბანკის ლიცენზია

Question 4

საქართველოში მოქმედი კანონმდებლობის შესაბამისად, არასამეწარმეო იურიდიული პირის მიერ მიღებული გრანტი:

Select one:

- a. იბეგრება მხოლოდ საშემოსავლო გადასახდით
- b. თავისუფლდება მოგების და საშემოსავლო გადასახადებით დაბეგვრისგან
- c. თავისუფლდება მხოლოდ საშემოსავლო გადასახადით დაბეგვრისგან
- d. თავისუფლდება მხოლოდ მოგების გადასახადით დაბეგვრისგან

Question 5

საოჯახო მეურნეობის ბიუჯეტის შედგენის პროცესის ფაზებს არ მიეკუთვნება:

Select one:

- a. ხარჯების დაგეგმვა
- b. მოსალოდნელი შემოსავლის წყაროების დადგენა
- c. ფინანსური მიზნების დასახვა
- d. საინვესტიციო ფინანსური გადაწყვეტილებების მიღება

Question 6

საერთაშორისო ფინანსები არის:

Select one:

- a. საერთაშორისო საფინანსო დაწესებულებების ერთობლიობა
- b. ბანკების, საფონდო და სავალუტო ბირჟების ერთობლიობა
- c. რეგიონული საფინანსო საკრედიტო და სხვა საერთაშორისო მნიშვნელობის ეკონომიკური ორგანიზაციების ერთობლიობა
- d. ფინანსური რესურსების ფონდი, რომელიც წარმოიქმნება საერთაშორისო ეკონომიკურ ურთიერთობათა განვითარების საფუძველზე და გამოიყენება მსოფლიო დონეზე საზოგადოებრივი კლავწარმოების უწყვეტობისა და რენტაბელობის უზრუნველსაყოფად და საერთაშორისო მნიშვნელობის საჭიროებათა დასაკმაყოფილებლად

Question 7

საერთაშორისო საფინანსო ორგანიზაციების ძირითად მიზნებსა და ამოცანებში არ შედის:

Select one:

- a. ვალუტათა სტაბილიზების უზრუნველყოფა
- b. საერთო მაკროეკონომიკური პოლიტიკის გატარება
- c. საერთაშორისო ფინანსური ურთიერთობების სტაბილურობის უზრუნველყოფა
- d. სახელმწიფოთაშორისი სავალუტო-საფინანსო და საკრედიტო რეგულირება

Question 8

ფინანსური ურთიერთობები არის ფულადი ურთიერთობები, რომლებიც დაკავშირებულია:

Select one:

- a. ფულადი სახსრების ფონდების გამოყენებასთან
- b. ფულადი სახსრების ფონდების ფორმირებასთან
- c. საქონლის (მომსახურების) ღირებულების ანაზღაურებასთან
- d. ფულადი სახსრების ფონდების შექმნასთან, განაწილება-გადანაწილებასა და გამოყენებასთან

Question 9

საფინანსო სისტემის სფეროს არ წარმოადგენს:

Select one:

- a. ტრანსეროვნული კორპორაციების ფინანსები
- b. საოჯახო მეურნეობების ფინანსები
- c. საკუთრების სხვადასხვა ფორმის მქონე საწარმოთა ფინანსები
- d. სახელმწიფო ფინანსები

Question 10

ფინანსური პოლიტიკა, როგორც სახელმწიფოს ეკონომიკური პოლიტიკის შემადგენელი ნაწილი, არის:

Select one:

- a. სახელმწიფოს ფინანსთა სამინისტროს სტრუქტურული ქვედანაყოფების მუშაობის წესი და რეგლამენტი
- b. საწარმოს შიდა ფინანსური ურთიერთობების სისტემა
- c. საწარმოს შემოსავლებისა და ხარჯების დაგეგმვა
- d. სახელმწიფოს მიერ თავისი ფუნქციების შესასრულებლად საჭირო ფინანსური ურთიერთობების გამოყენების მიზნით შემუშავებული და განხორციელებული ღონისძიებების ერთობლიობა

Question 11

ფინანსების სტრატეგიული მართვის ძირითად ინსტრუმენტსა და მეთოდს წარმოადგენს:

Select one:

- a. სტატისტიკური და ბუღალტრული ანგარიშგების ანალიზი
- b. ფინანსური დაგეგმვა
- c. ფინანსური ანგარიშგების ანალიზი
- d. სახელმწიფო სესხების გამოშვება და მათი მართვა

Question 12

ეკონომიკური თვალსაზრისით, გადასახადი, უწინარეს ყოვლისა, არის:

Select one:

- a. საზოგადოების საფინანსო-საბიუჯეტო სისტემის კუთვნილება და შემოსავლების წყარო
- b. სუბიექტის შემოსავლის ნაწილი, რომელიც გადაეცემა სახელმწიფოს განსაკარგავად
- c. ფიზიკური და იურიდიული პირების სავალდებულო გადასახდელი
- d. ფიზიკური და იურიდიული პირების ფულადი შენატანი ბიუჯეტში ან სპეციალურ სახელმწიფო ფონდში კანონით განსაზღვრული წესის შესაბამისად

Question 13

ფინანსური კონტროლი, როგორც ფინანსების მართვის სისტემის მნიშვნელოვანი ელემენტი, დამახასიათებელია:

Select one:

- a. განაწილების, გაცვლისა და მოხმარების სფეროს ურთიერთობებისათვის
- b. მატერიალური და არამატერიალური წარმოების სფეროს ურთიერთობებისათვის
- c. მხოლოდ არამატერიალური წარმოების სფეროს ურთიერთობებისათვის
- d. მხოლოდ მატერიალური წარმოების სფეროს ურთიერთობებისათვის

Question 14

უნიტარულ სახელმწიფოებში საბიუჯეტო სისტემა შედგება:

Select one:

- a. ხუთი რგოლისგან
- b. ორი რგოლისგან
- c. სამი რგოლისგან
- d. ოთხი რგოლისგან

Question 15

იმ შემთხვევაში, როდესაც სახელმწიფო თავის თავზე იღებს იურიდიული და ფიზიკური პირების სესხებისა თუ სხვა ვალდებულებების დაფარვის პასუხისმგებლობას, იგი გვევლინება:

Select one:

- a. გარანტის რანგში
- b. მსესხებლისა და კრედიტორის რანგში
- c. კრედიტორის რანგში
- d. მსესხებლის რანგში